



DIADOMINGO AWOR TIN ELECCION DI PRINS Y PANCHO

E promer actividad grandi di carnaval ta tuma lugar mañan den Club Caiqueto cuminzando pa 6'or di atardi. Akinan lo tin eleccion di Prins cu Pancho Infantil, sigui pa Juvenil y despues pa Prins cu Pancho Grandi. Por a nota cu tin basta interes ta reina den e eleccionnan aki, pero tin ta prefera di inscribi na ultimo momento pa nan presenta como sorpresa. Y boso tabata sa cu den e

eleccion di prins cu panchonnan aki ta hopi personanan conoci den nos comunidad a yega di participa entre otro Jossy Tromp, Percy Jeandor, Frankie Kuiperi, Roy Lintz, Cecilito Lopez, Melvin Garcia, Casper Lacle, Morris Neme, Juancito Giel, Ruben Garcia, Vale Croes, Maikito Croes, Papito Rafael, Jeffrey Schuilenburg, Giovanni Arends, y hopi mas.

Bo tabata sa tambe cu na aña 1991 e Prins cu Pancho grandi a worde descualifica. Antes tambe na e eleccion di Prins cu Pancho Grandi cu a cumenza na 1955 no tabata tin cuenta di busca number pa e Prins cu Pancho ya cunan tabata uza nan mesun number esta Prins Casparito cu tabata Casper Lacle y Pancho Morris cu tabata Morris Neme. Esaki a keda te cu aña 1962 caminda a cumenza bini cu nombenan mas extravagante y a bin cu Chupabebe y Lollipop y despues a sigui cu otronan. Locual cu hopi persona ta comenta ta cu ultimo añanan e presentacionnan ta un poco foi sla y tin ora masha laf. Locual ta conta ta un bon joke y comprendibel conta pa asina tur hende compronde y por hari, pero si e worde conta incomprendibel y tin ora dobbel sentido, no ta tur hende ta compronde mesora y ta pone cu hopi hende ta keda sin hari, pasobra nan no sa paki-co nan mester hari. Tambe hopi ta bin cu e sistema awor cu shownan cu tambe ta algo great, pero bo mester por sa con bo ta combine cu e jokenan pa asina haci e presentacion uno agradable y atractivo pa e publico cu a bin pa presencia esey. E aña aki cu ta e di 45 aña di carnaval ta spera cu lo tin un participacion grandi pa asina duna tur esnan cu lo bay e evento aki pasa un anochi agradable y ta keda te final. Y cu esnan cu sali pa e publico apoyanan ya cu no ta facil pa bo subi un stage pa conta joke, pesey duna nan e respaldo pa asina nan por haya mas smaak pa presenta.

ENJOY
THE FIT OF
**DARK
DENIM**

Pepe Jeans
LONDON

STORM

Pepe Jeans net banda di Caterpillar Store, awor a habri su portanan cu holoshi di ultimo moda di marca famoso na Europa, **STORM**. Nos tin coleccion grandi di Pepe Jeans T-shirts, blusa, shorts y pa homber camisa, body shirt, tuitpak, handbag etc.
Pasa mira pa bo mes!!!

